

HELAIAN PENDEDAHAN PRODUK	Etiqa Family Takaful Berhad ("Pengendali Takaful / Kami")
Sila baca Helaian Pendedahan Produk ini sebelum anda memutuskan untuk menyertai i-Secure. Anda juga diminta untuk membaca terma dan syarat amnya.	i-Secure
	<Date>

### 1. Apakah ciri-ciri produk ini?

i-Secure merupakan plan perlindungan bertempoh Takaful Keluarga dengan sumbangan berkala. Plan ini akan membayar jumlah yang dilindungi sekiranya orang yang dilindungi meninggal dunia atau mengalami hilang upaya menyeluruh dan kekal sebelum sijil ini luput.

### 2. Apakah konsep-konsep Syariah yang digunakan?

Tanggungjawab untuk membayar sumbangan dan menerima manfaat, adalah berdasarkan konsep Tabarru'. Tabarru' membolehkan peserta untuk memenuhi tanggungjawab bantuan dan jaminan bersama.

Kami dilantik sebagai pengendali Takaful di bawah struktur Wakalah. Struktur Wakalah adalah hubungan agensi antara dua pihak. Fi Wakalah dibayar kepada Kami untuk menanggung kos pengurusan dan pendedaran plan.

Sumbangan ditolak fi Wakalah akan disalurkan ke dalam Dana Risiko Peserta (DRP). Lebihan pengunderaitan daripada DRP, akan diagihkan mengikut polisi lebihan yang telah diluluskan oleh jawatankuasa Syariah Kami. 50% daripada sebarang lebihan yang diagihkan akan dikongsi di antara peserta-peserta yang sijilnya masih berkuat kuasa dan tidak membuat sebarang tuntutan dalam tahun kewangan tersebut. Manakala baki 50% lagi akan dibayar kepada Kami kerana mengendali dan menguruskan DRP, berasaskan kontrak Ju'alah. Ju'alah adalah kontrak upah yang menentukan asas pengagihan perkongsian lebihan.

Perkongsian lebihan yang diagihkan kepada peserta adalah terkumpul dalam dana berasingan. 85% daripada keuntungan pelaburan dana berasingan akan dikongsi di kalangan peserta-peserta, di mana sijilnya masih berkuat kuasa, and baki 15% akan dibayar kepada Kami berasaskan kontrak Mudarabah. Mudarabah adalah kontrak persetujuan bersama di antara Kami dan peserta untuk keuntungan pelaburan atau kerugian. Dana berasingan tersebut akan dibayar pada tarikh tamat tempoh sijil, atau jika diminta oleh peserta pada bila-bila masa sebelum tamat tempoh sijil dengan syarat amaun yang diminta adalah sekurang-kurangnya RM500.

### 3. Apakah perlindungan / manfaat yang diberikan?

No.	Perlindungan/Manfaat	Manfaat Yang Perlu Dibayar (RM)
1.	Kematian	<p>Apabila berlaku kematian orang yang dilindungi, manfaat yang akan dibayar adalah jumlah yang dilindungi sebanyak RM&lt;Sum Covered&gt;.</p> <p>Apabila berlaku kematian orang yang dilindungi pada tahun sijil yang pertama yang berpunca selain daripada kemalangan, manfaat yang akan dibayar adalah pengembalian semula jumlah sumbangan yang telah dibayar.</p> <p>Apa-apa manfaat kematian yang dibayar akan berserta dengan sebarang lebihan terkumpul, dan dikurangkan dengan sebarang pembayaran terdahulu bagi manfaat HUMK. Sijil ini akan ditamatkan pada pembayaran manfaat kematian dan tiada manfaat lain akan dibayar setelah itu.</p>
2.	Hilang Upaya Menyeluruh & Kekal (HUMK)	<p>Apabila berlaku HUMK sebelum hari lahir ke-64 orang yang dilindungi, manfaat yang akan dibayar adalah jumlah yang dilindungi sebanyak RM&lt;Sum Covered&gt;.</p> <p>Apabila berlaku HUMK ke atas orang yang dilindungi pada tahun sijil yang pertama yang berpunca selain daripada kemalangan, manfaat yang akan dibayar adalah pengembalian semula jumlah sumbangan yang telah dibayar.</p> <p>Untuk Kami menentukan HUMK, hilang upaya itu mestilah tidak terganggu dalam</p>

		<p>tempoh sekurang-kurangnya 6 bulan dari Tarikh HUMK, kecuali bagi kes Andaian HUMK*, yang mana Kami akan segera menilai HUMK.</p> <p>Jumlah maksimum manfaat HUMK yang perlu dibayar bagi semua sijil dengan Kami adalah terhad kepada RM2 juta. Bagi manfaat HUMK selain daripada Andaian HUMK, yang melebihi RM1 juta, manfaat akan dibayar melalui dua ansuran:</p> <ol style="list-style-type: none"> <li>1) Ansuran pertama di bawah sijil akan ditentukan di mana jumlah pembayaran pertama ke atas semua sijil adalah RM1 juta; dan</li> <li>2) Ansuran kedua merupakan baki liabiliti yang diterima dan akan dibuat 12 bulan selepas bayaran ansuran yang pertama.</li> </ol> <p>*Andaian HUMK ialah hilang dua anggota badan, hilang penglihatan secara kekal pada kedua-dua belah mata, atau hilang satu anggota badan dan hilang penglihatan secara kekal pada sebelah mata.</p> <p>Apa-apa manfaat HUMK yang dibayar akan berserta dengan sebarang lebihan terkumpul, dan dikurangkan dengan sebarang pembayaran terdahulu bagi manfaat HUMK.</p>
--	--	---

*Manfaat-manfaat yang dibayar di bawah produk yang layak adalah dilindungi oleh PIDM sehingga had perlindungan. Sila rujuk Brosur Sistem Perlindungan Manfaat Takaful dan Insurans PIDM atau hubungi Kami atau PIDM (layari [www.pidm.gov.my](http://www.pidm.gov.my)).*

#### 4. Berapakah jumlah sumbangan yang perlu saya bayar?

Anggaran sumbangan yang perlu anda bayar adalah RM<Contribution><Contribution Mode>, bagi tahun sijil yang pertama.

Sumbangan yang dinyatakan adalah berdasarkan umur yang dicapai (umur hari lahir berikutnya) anda pada tarikh permulaan. Sumbangan akan meningkat pada hari pertama tahun sijil yang berikutnya, mengikut umur yang dicapai anda. Kadar sumbangan adalah tidak dijamin dan Kami berhak untuk mengubah kadar sumbangan dengan memberikan notis 3 bulan lebih awal.

Semua sumbangan (jika berkenaan) akan tertakluk kepada caj-caj atau cukai-cukai yang berkenaan yang ditentukan perlu oleh pihak berkuasa percukaian Malaysia. Adalah penting untuk menyimpan setiap resit yang anda terima sebagai bukti pembayaran sumbangan.

#### 5. Apakah fi-fi dan caj-caj yang perlu saya bayar?

Fi Wakalah akan dibayar kepada Kami bagi tujuan menanggung kos pengedaran dan pengurusan pelan ini. Fi Wakalah adalah penolakan 30% dari sumbangan, dan RM50 dari sumbangan setiap tahun bagi setiap sijil.

#### 6. Apakah terma dan syarat utama yang perlu saya tahu?

- Kepentingan Pendedahan – Untuk membantu Kami membuat keputusan yang tepat dalam menerima risiko dan menentukan kadar dan terma sijil anda, anda dikehendaki menyatakan semua maklumat yang relevan, termasuk keadaan perubatan (jika berkenaan) dan umur, dengan betul. Sekiranya maklumat ini tidak didedahkan atau didapati tidak tepat, ia berkemungkinan akan menyebabkan pembatalan sijil, tuntutan tidak dibayar, atau terma dan syarat sijil diubah.
- Pembayaran sumbangan perlu diterima dalam tempoh tangguh selama 31 hari dari tarikh sumbangan tersebut perlu dibayar. Jika sumbangan yang perlu dibayar tidak diterima di dalam tempoh tangguh, sijil anda akan ditamatkan.

*Nota: Senarai ini adalah tidak menyeluruh. Sila rujuk kepada risalah pemasaran dan ilustrasi pemasaran untuk maklumat lanjut, dan rujuk sijil untuk terma dan syarat yang terperinci.*

#### 7. Apakah pengecualian utama di bawah sijil ini?

Untuk memastikan manfaat pelan yang berpatutan, pelbagai pengecualian dikenakan ke atas manfaat yang perlu dibayar. Sumbangan akan dikembalikan bagi kematian yang disebabkan oleh bunuh diri ketika waras, dalam tempoh 1 tahun dari tarikh dikeluarkan atau tarikh pengembalian semula, yang mana lebih kemudian. Bagi kematian yang disebabkan oleh bunuh diri ketika waras, selepas 1 tahun dari tarikh dikeluarkan atau tarikh pengembalian semula, yang mana lebih kemudian, jumlah yang dilindungi sepenuhnya akan dibayar.

Dan bagi manfaat HUMK, tiada manfaat akan dibayar apabila kejadian atau keadaan yang berikut berlaku secara langsung atau tidak langsung:

- 1) Kecederaan diri sendiri yang disengajakan atau cubaan membunuh diri, ketika waras;
- 2) Penyertaan di dalam sebarang perbuatan jenayah atau menyalahi undang-undang, mogok, rusuhan, tindakan keganasan atau kekecohan awam;

- 3) Penggunaan alkohol, dadah tanpa prekripsi atau haram atau narkotik;
- 4) Penyertaan dalam sukan atau aktiviti berbahaya;
- 5) Penerbangan selain menggunakan laluan tetap yang dikendalikan oleh syarikat penerbangan komersial;
- 6) Provokasi fizikal dan ganas;
- 7) Penyedutan racun, gas atau wasap; atau
- 8) Pencemaran radioaktif.

*Nota: Senarai ini adalah tidak menyeluruh. Sila rujuk kepada risalah pemasaran dan ilustrasi pemasaran untuk maklumat lanjut, dan rujuk sijil untuk terma dan syarat yang terperinci.*

**8. Bolehkah saya membatalkan sijil ini?**

Anda berhak untuk membatalkan sijil dengan memberikan arahan bertulis kepada Kami dalam tempoh 15 hari selepas Anda menerima sijil ini. Kami akan mengembalikan sumbangan yang telah diterima. Sijil ini dianggap telah dikembalikan kepada Kami terima pada tarikh ia dihantar sendiri, atau pada tarikh ia diposkan kepada Kami jika dihantar melalui pos berdaftar, atau pada tarikh transmisi jika sijil ini dihantar secara elektronik.

Sekiranya Kami menerima apa-apa notis pembatalan bertulis daripada anda selepas 15 hari dari tarikh anda menerima sijil ini, anda berhak ke atas lebihan yang diagihkan yang terkumpul, jika ada.

**9. Apakah yang perlu saya lakukan sekiranya terdapat perubahan kepada butir-butir perhubungan saya?**

Adalah penting untuk anda maklumkan kepada Kami mengenai sebarang perubahan mengenai butir-butir perhubungan anda (termasuk penama) bagi memastikan semua surat-menyurat sampai kepada anda dengan kadar segera. Sila tulis dan hantar ke alamat Kami di Etiqa Family Takaful Berhad, Dataran Maybank, No 1, Jalan Maarof, 59000 Kuala Lumpur; atau hantar ke nombor faksimili 03 – 2297 3800; atau alamat e-mel info@etiqa.com.my; atau hubungi Kami di 03 – 2297 3888; atau Etiqa Oneline di 1-300-13-8888, atau kunjungi www.etiqa.com.my.

**10. Dimanakah boleh saya memperolehi maklumat lanjut?**

Jika anda mempunyai sebarang pertanyaan, atau memerlukan maklumat lanjut, sila hubungi Etiqa Oneline ditalian 1-300-13-8888, atau tulis ke Etiqa Family Takaful Berhad (199301011506), Dataran Maybank, No 1, Jalan Maarof, 59000 Kuala Lumpur; atau faksimili ke 03-2297 3800, atau e-mail ke info@etiqa.com.my; atau hubungi talian 03 – 2297 3888, atau kunjungi www.etiqa.com.my. Etiqa Family Takaful Berhad dilesenkan di bawah Akta Perkhidmatan Kewangan Islam 2013 dan dikawalselia oleh Bank Negara Malaysia.

**11. Lain-lain jenis perlindungan serupa yang boleh didapati**

Sila rujuk laman web Kami di www.etiqa.com.my untuk jenis-jenis perlindungan yang serupa.

**NOTA PENTING:**

**PENYERTAAN DALAM SIJIL TAKAFUL KELUARGA MERUPAKAN SUATU KOMITMEN KEWANGAN JANGKA PANJANG. ANDA HARUS MEMILIH JENIS SIJIL YANG PALING SESUAI DENGAN KEADAAN PERIBADI ANDA. ANDA JUGA PERLU MEMBACA DAN MEMAHAMI SIJIL ANDA ATAU HUBUNGI KAMI UNTUK MAKLUMAT LANJUT.**

Maklumat dalam Helaiian Pendedahan Produk ini sah pada <Issue Date>.